



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

III. In aulam Cæsaris proficiscitur.

urn:nbn:de:hbz:466:1-45256

tis sæpenumero vsurpans : *Iura-*
Psal 118. vi. & statui custodire iudicia iusti-
tiae tue. His potissimum rebus ad
 sacrum coniugium, castum in-
 tegrumq; corpus attulit. Quod
 & in Nebridio, equite Romano,
Epist. 9. ad Sal- Sanctus Hieronymus mirifice
uinam, prædicauit.

CAPVT III.

In aulam Cæsaris proficiscitur.

VNDEVICESIMVM æta-
 tis annum agebat, cū Cæ-
 saraugusta domum, visendi pa-
 rentis gratia, reuertit: humani-
 ter ibi menses aliquot habitus,
 missionem deinde postulare
 cœpit; liceret pace illius, cui
 semper dicto audiens fuisset, in
 aulam Cæsaris migrare, vt in
 tanti se Principis clientelam da-
 ret, cui Christianum orbem
 multum esse merito debiturum

au-

augurabatur. Parens filij prudens consilium probare. *Amote,* inquit, *de hac sententia, fili: & volo, vt vis: vnico te non inuitus carebo, dū ère sit optimi Principis. Maacte igitur animi & quo tua te virtus, & maiorū exempla vocāt, perge Familiam hinc proficiscenti adornat, qua honeste stipatus in Vaccaeos venit. Hic Pintia, quæ hodie Vallisoletum, Cæsaris tūc sedes nobilissimis omnium nationū viris abundabat. FRANCISCVS, vt in hoc ætatis flore pulcra erat, & imperio digna forma, facile omnium in se oculos conuertit. Hic igitur, Deo bene iuuante, ita se comparauit, vt post paullo falsam eorum refellerit opinionem, qui dicerent, aulicum simul Christi, & Principum asseclam esse vix posse. Vt enim Carolo placere FRAN-*

CISCVS ex officio obnixe studuit; sic ad Christum respectum habuit, rerum omnium inspectorem, & Iudicem: uti nihil equite, & Christiano, quæ laus summa est, indignum diceret, ageret, cogitaret. Domesticis itaque gnauo otio, aleæ ludo, libidine, obsceno sermone, & iurandi prava consuetudine, qua verbo, qua exemplo, interdixit. Quæ mala, ut sunt, pestes palatij iuuenis appellabat. Qui lenocinium, impuram admodum vitium, profiterentur, suas sibi res habere iussit. *Alijs, inquit, voluptatem parasiti, Gnathones, Thrasones, & olla amici assentando adfrant; mihi, ut quod sentio dicam non placent. Placent viri graues, & innocentes, qui verum dicere liberè audeant.* Seruos aiebat, nō tam dominis honorē
sti

stipando adferre, quam contra à
dominorum bona existimatio-
ne decus mutuari. De aliorum
fama detrahi, se præsentè non
sustinebat: sed vel modestè, cum
res daret, reprehendere, vel cer-
te sermonem abrumpere soli-
tus, tacite officij admon bat.
Hisce artibus bonis, domi suis
exemplo esse, & honestis sermo-
nibus facem præferre. Aulicos
voti sui in ambiendo compotes
fieri præmiaque à Principe acci-
pere, tantum abest vt inuideret,
vt etiam libentibus auribus ac-
ciperet, laudaretque factum; il-
lis etiam gratularetur, cum bona
spe, fore, vt sibi itidem de curso
spatio honos aliquando habe-
retur. Equidem memoria te-
neo cum diceret qui ab intimis
illi cubiculis erat vidisse se, quo-
ties matronas nobiles, officij gra-
tia,

tia,

tia, visere oporteret, hirsutum, pilisque asperum cilicium induere solitum : vt hoc tanquam clypeo munitus, tela Dæmonis ignea, carnisque illecebras restingueret. Solet enim per oculorum fenestras ad animū mors penetrare; vulnerare etiam telo sæpe letali. Sic Scyllam inter, & Charybdim, nauem saluam deduxit. Quin & coniuge domum ducta, quæ illo natu grandior erat, cum & fores Regiæ semper illi paterent, nihil vnquam ferunt aut intemperans à FRANCISCO, aut leue dictum, factumue. Equestribus porro exercitationibus mirifice delectabatur, hausta illa ex Xenophonte Philosopho disciplina. Ludos igitur Troianos agere libenter, hastis concurrere, tela iacere, fuga Parthorum more ficta, ho-

hostem ferire, auersa manu vulnerare, tauros in arena laceffere, equum in gyrum agere, cursu cum equalibus contendere, premia nemini concedere; omnia deniq; se digna dextre exsequi. Non fefellit ea virtus, quæ diu latere non potest, Carolum; sed, quasi in illustri loco posita, in oculos incurrit, sermonemque passim dedit. Erat in comitatu Augustæ, fidamque illi operam pridem probarat, Leonora Castri, virgo nobili apud Lusitanos loco nata; Aluari Castri, & Isabellæ Menesiæ Baretæ filia: candidis ornata moribus, & in DEVM eximia pietate. Huic conditio dum quæritur, vnus FRANCISCVS Augustis placuit, ob morum honestatem prope singularem: missusque ex templo Gandiam Petrus Gandisaluus
Men-

32 DE VITA FRAN. BORG.

Mendosius, Augustæ Oeconomus: qui Cæsaris nomine à Ioanne Duce postularet, quæsitam filio uxorem coniugiumque ratum esse vellet, iuberetque. Nec abnuuit Dux: Cæsari per literas gratias agit, quod filij rationem habuisset. Nec FRANCISCVS matrimonium detrectauit, ratus id, quod erat, Cæsari, cui omnia deberet vitæ ornamenta, simul & parenti, cui vitam, morem esse gerendum.

CAPVT IV.

Vxore ducta liberos sustulit.

NVPTVM iam data Leonora in Borgiam familiã, FRANCISCVM Marchionis Lombayæ titulo Cæsar decorauit, Regioq; equorum stabulo, quæ summa fere dignitas est, præfecit. Mores vtrique coniugi concordēs, & omni